

1 PITA

Khe Pita Fhara Khergi Gap

Khe fharav ganinga buni khare.

Pita kha gava khergiap, mba guigira Zisas kbothigiap, simtigi bakivi ndi gumgi gu mbigi ndi mbarigi. Ana ana kherav, kharj mbe nzuai, “Nde guigira Zisas kbothigi gumgi gu mbigi, nde Zisas Kraisan buna vhuuej, nde taagi ne ndikndigiri. Zisas rimgiap taagia khavgi. Ana khavgiap, Fhe Bakime han Hevenan ndav, kharj suangi, ana taagi zirirga.” Mbe mba ana suangi kamenj ndikndigip, ana rargi kirim, ana taagi zirirga.

Mbe guigira Zisas kbothigi gumgi, mbe guigira simtigi ndi. Mba simtigi, mbe guigira Zisas kbothigi ndikndigir mpari simtigi ma. Mbe maanj muungip guigira Zisas kbothigi thivgiv, havhargip, ngiv kirim, Zisas taagi zirirga. Mba tugen, mbe ne suanjv vheza vhuuj guarara ndigirga.

Fhe Bakimen gumgi gu mbigi tivir vhuuin muunjv,
mba ndirga bigir vhuuin rargip wari kiri.

¹ Gu Pita Krai Zisas farasarigi njaara guma mbe ma. Gu kha gava khergiap, nde Fhe Bakime won mbuigi gumgi gu mbigi, gu anan nde ndi mbai. Nde mba tamtam fhura harigi nguir mba Pontus ngu bakime gum, Garesia ngu bakime, Kapadosia ngu bakime, Esia ngu bakime gum, Bitinia ngu bakime, nde ntan ki. Gu kha gava khergiap nde ndi mbai. ² Fhe Bakime fhum wo vuzvugar ana nden won mbuigim, nde ana gumgi gu mbigira ki. Ana Njina Njaar nden kurkurigim, nde za wari won ruru tivi gum bigi ndiv,

zam anan niingiap, ana niman ngarav ki. Nde ngarav kiv, nde tuituigip Zisas Kraisan buni vhuuuj zin ngirim, ana vizin nde ruarim, nde Fhe Bakime rimani niman ngaravra kirga. Fhe Bakimen kora muumbar khay tigip nde phorgi kirim, nde ndavi mbirav, wari kiri.

Kiri tivar vhuuuj nza garav, Hevenan mbur ki.

³ Nza ne suanjv Fhe Bakime zi ndi vun kuamkuarga. Ana Fhe Bakime ma, ana nza Bakime Zisas Kraisan Ndia ma. Ana guigira kora muumbara bakime nzan kav, ana taagia Zisas Krai khavgi. Ana mba tuavar, ana kiri tiv gum ruru kaman nza niinggi. Mba kiri tiv gum rurur kam nzan havhargirim, nza kiv, ana mba nzan niin za suangi bigir vhuuin rargip wari kirga. ⁴ Ana Hevenan mpirmpirigar vhuuuj, ndir zav nzan farasegi. Mba mpirmpirigar vhuuuj ana mbatigirga fhu. Mba mpirmpirik, ana Fhe Bakime rimani niman ngarigi. Mba mpirmpirigar vhuuuj, anan vhezgirga tuktigi fhuvara. Fhe Bakime mba mpirmpiriga vhuuuj, ana ana bevahegim, ana Hevenan mbur ki. Nde ana phorgip Hevenan kiv, mba mpirmpiriga vhuuuj ndigip, kirga. ⁵ Nde Krai kothigim, Fhe Bakime won njasjkar nde garim, nde nzerara kirga. Ana khuej vuzvugi, ana taagi nde ndigirim, nde guigira nzerara kirga. Ana mba nden muun zav mbui bigen, ne Zisas taagi kha nuianan zirirga, ne za kirar higirga.

⁶ Nde Fhe Bakime nden muun za mbui bigen, nde ne ndikndigap ndikndigi. Nde ntigem kha tuga tivinera, mbarkirga mparmparei nden hiv, simtigi gu zaagir nden niinga. ⁷ Mba tivi nden him, Fhe Bakime nde guigira Zisas kothigi ndikndik, ana anan mpari. Nza khuej kanji,

1:3 1 Ko 15.20; 2 Ko 1.3; Ef 1.3; Ze 1.18 1:4 Kor 1.5; 1.12; 2 T 4.8; Ze 5.4
 1:5 Zo 10.28-29; 17.11-15; Zu 1.1 1:6 Ro 12.12; 2 Ko 4.17; 6.10; Ze 1.2; 1 Pi
 5.10 1:7 Jop 23.10; Sng 66.10; Snd 17.3; Ais 48.10; Sek 13.9; Mal 3.3; Ro 2.7;
 2.10; Ze 1.3

gor, ana guigira bigina vhuuŋ guar ma. Mbe fhara anan mparav, ana tui, ana gor guar o, fhu. Nde guigira Zisas kothigi ndikndik, ana guigira gor kamarav, guigira bigina vhuuŋ ma. Ne khaŋ muuŋgi, gor, ana mbarigi bigin ma. Maan muuŋgip, mbarkirga mparmparei nden hirga, nta khuen nde khivi, nde guigira Krais kothigi. Nde zumgum Zisas Krais taagi zirip za kirar hirga tugar, ana guigira nden ndikndigip, nde ziri ndiv vun kuamkuav, zi bakimen nden niinga. ⁸ Nde ana gangi fhuvara, nde ana vuzvugiap wari won ndavir ana ndiii. Nde vhira ana gari fhu, nde ana kothigap, anan ndikndigi. Nde anan ndikndigi ndikndik, ana guigira za kha nuianan ndikndigi kamarigi. Nza kamthoon za mba ndikndiga bun suan-girga tuktigi fhuvara. Zakira fhuvara! ⁹ Fhe Bakime taagia nde ndi ne khaŋ muuŋgi, nde Krais kothigi.

¹⁰ Fhe Bakimen kamthoon gungi, mbe ntigem Fhe Bakime nde muuŋgi bigi, mbe nta bun nzuai. Mbe khaŋ tigap rjaara mbatiga mbuav, Fhe Bakime taagia nde ndigi kama niien ga nzuav gari. ¹¹ Fhe Bakimen Ŋina Ŋaar, Fhe Bakimen kamthoon gungir vhen kav, ana mbe rugim, mbe mba Krais ndirga simtigi, mbe nta bun nzuai. Ana mba simtigi ndigip, ana zumgum zi bakime ndigirga. Mba Fhe Bakimen kamthoon gungi vhira khuen nzuav nzai, “Mba taagia nza ndirga guma, ana rasi tugar higirie? Thagina bigin mba tugar higirie?” ¹² Mbe maan nzuaim, Fhe Bakime khuen mbe khivigi, mba bigi nta nduarira wari won tuga sarav hegirga tuktigi fhuvara. Zakira fhuvara! Mbe Fhe Bakime taagi nde ndirga kameŋ bun nzuaim, nde ne mbarara. Ntigem, Fhe Bakime won Ŋina

1:8 Zo 20.29; 2 Ko 5.7; Hi 11.1; 11.27; 1 Zo 4.20 1:9 Ro 6.22 1:10 Dan 2.44; Hag 2.7; Sek 6.12; Mt 13.16-17; 2 Pi 1.19-21 1:11 Sng 22; Ais 53; Ru 24.26-27; 1 Pi 3.19; 2 Pi 1.21 1:12 Dan 9.24; Ef 3.10; Hi 11.13; 11.39-40

Ŋaara sarigim, ana Hevenan kegap zergim, ana ŋkasŋkar panan, gungu ana buna vhuueŋ bun nzuav, mbe Fhe Bakime nden muun zav suanŋi bunen, mbe ne bun suanŋi. Fhe Bakime enseri, mbe vŋira Fhe Bakime nden muun za mbui bigen kaŋgirgane vuzvugi.

Fhe Bakime ŋgaravra kirgen nzuav nzan kamgi.

¹³ Maan muunŋiap, nden ndikndigi zazera ndikndigip, nde tuituigira wari wo rui ruru tivi ganiri. Nde guigira khaŋ tigip havhargip Zisas kthothigiri. Zisas Krai za kirar hirim, Fhe Bakime nden muun za suanŋi bigen vhuueŋ nde nen rarga ki, ana mba bigen nden muunga. ¹⁴ Nde tari bigi mbararagi farar muunŋip bigi mbararari. Nde fhum, ndikndigi ki fhu, nde fhura mba ndikndigi gu vuzvugi mbatigi, nde nta zin vegi. Nde ntigem wom mba tivi zin ŋgi thari. ¹⁵ Fhe Bakime nden kamgi, ana ŋgarav, ana vŋira tivir vhuuŋra mbui guma ma. Maan muunŋiap, nde wari ndiv, Fhe Bakimen niŋŋip, nden ruru tivi gu bigi ŋgaravra kiri. ¹⁶ Fhe Bakimen buni vhuuŋ ki gap khaŋ nzuai, “Nde ŋgaravra kiv tivir vhuuŋra zin ŋgiri. Ne khaŋ muunŋi, gu nde Fhe Bakime, gu ŋgaravra ki.”

Fhe Bakime vheza bakimen nza vhezgi.

¹⁷ Nde Fhe Bakimen kaav, “Darar” anan kaai. Mba Dara, ana nzan ziri ga ndikndigap, nza garap, nza nzuav nzuai fhuvara. Zakira fhuvara! Ana nza mbui tivi garav, nta nzuav nza nzuai. Maan muunŋiap, nde zazera ntige kha nuianan kiv, nde khueŋ kaŋgiri, kha nuian, ana guigira nzan ŋgu guar fhuvara. Maan muunŋiap, nde guigira Fhe Bakimen piin kiri. ¹⁸ Nde ntige kaŋgi, nde fhum, nde

1:13 Ru 12.35; Ro 13.13; 1 Ko 1.7; 1 Te 5.6-8 1:14 Ro 12.2; Ef 2.3; 4.17-18;
 1 Te 4.5 1:15 Wkp 11.44-45; 19.2; 20.7; Mt 5.48; 2 Ko 7.1; Hi 12.14; 2 Pi 3.11
 1:17 Lo 10.17; Mt 6.9; FG 10.34; Ro 2.11; 2 Ko 5.6; 7.1; 2 T 4.14; Hi 11.13; 12.28;
 VB 2.23 1:18 Ese 20.18; 1 Ko 6.20; 7.23; 1 Pi 4.3

wari won nzigi han ndigi tivi mbatigi, nde nta zin vegi. Fhe Bakime ntigem taagia nde vhezgiap, ana mba bigi tin nde ndigi. Ana nde ndigap, ana kha nuianan mbarigi bigi, gor gu sirva, ana ntan nde vhezgi fhuvara. Zakira fhuvara! ¹⁹ Ana Krai vizinra nde vhezgi. Mba vizin, ana guigira vhez vun ndagi vizin ma. Krai, ana sum kav, bigina mpiga thanen ki fhuv sipsiva nguga fara muungi. ^a ²⁰ Fhe Bakime zungum kha nuiana muungi. Ana fhum guarara, ana taagi nde vhezgip, nde ndir zav, mba njaarar muun zav, Zisas farasarav, mba njaarar ana niingi. Kha mpuur rari vige higim, Fhe Bakime nden kurkurar zav Krai ga sarigim, ana za kirar higi. ²¹ Ana kirar higap, nden kurkurigim, nde Fhe Bakime kothigi. Fhe Bakime Krai rimigim, ana taagia ana khavgiap, zi bakimen ana niingi. Maan muungiap, nde Fhe Bakime kothigap, ana nden niin za suangi bigi, nde ntan rarga ki.

Nza guigira wari won ndavir nza phorgip guigira Zisas kothigi gumgi niiri.

²² Nde guigira buna guaren zin vui. Nde maan mbuav, nde nduarira Fhe Bakime rimani niman ngarav ki. Nde maan mbuav, nde wari won ndavir nza phorgip guigira Zisas kothigi gumgi gu mbigi ga ndiii. Nde maan mbui, nde khar tigip havhargip, guigira mbe vuzvugip, guigira

1:19 Kis 12.5; Ais 53.7; Zo 1.29; 1.36; FG 20.28; 1 Ko 5.7; Hi 9.12-14; 1 Pi 1.2; VB 5.9 ^a 1:19 Mbe Isrerij, mbe wari wo muungi tivi mbatigi vhezir zav, Fhe Bakime suanjv, bigi ndia zav, mbe sipsivi vhuunra ndiav zav, Fhe Bakime nzuav ofari ga mbui. Ndu Wok Pris 22:17 kegip gani ngip, ves 25 thigiri. Pita mba tiva ndikndigap khar nzuai, “Krai, ana guigira ofar muunga sipsivir vhuun guar ma.” 1:20 FG 2.23; Ga 4.4; Ef 1.4; 1.10; Kor 1.26; Ta 1.2-3; Hi 9.26 1:21 Zo 14.6; FG 2.24; 2.33; Ro 4.24; 5.1-2; 10.9; Fi 2.9; Hi 2.9; 1 Pi 3.22 1:22 Zo 13.34; FG 15.9; Ro 12.9-10; 1 T 1.5; 2 Pi 1.7; 1 Zo 3.18

wari won ndavir za mben niinjri. ²³ Fhe Bakime nde muunġim, nde niamuunġ taagia nde tegi fara muunġiap, nde gumgi gu mbigir nġkaa ki. Fhe Bakime won buna vhuuej nġkasnjkar panan, ana nde muunġi. Fhe Bakime buna vhuuej nġkasnjka ki. Ana mbara muunġiap ki bigina fara muunġi. Fhe Bakime buna vhuuej zazera mbara muunġiap ki. Ne guigira buna guarej ma. Nde ntigem, nde vhizi fhu Dara tari ma. Nzan ndegi gu nzigi, mbe za vhizi gumgi ma. ²⁴ Fhe Bakime buni vhuuij ki gap khañ nzuai, “Kha gumgi gu mbigi, mbe tuga mpeen kha nuianan kegirga tuktigi fhuvara. Mbe vhazigi fara muunġiap vhemkora vhizi. Mbe zi bakivi vhazigi shivi fara muunġiap fhura koskogav niinjri. Vhazigi nziii, ntan shivi koskogav niinjri. ²⁵ Fhe Bakime bunej, ne zazera mbara muunġiap ki.” Mba bunej, mbe mba buna vhuuej, mbe ne bun nde suanġi.

2

Guma Bakime, ana zazera mbara muunġiap ki biinjbiinj ki kiman vhuunġ ma.

¹ Nde ntigem tivir nġkaa ndigi. Maanġ muunġiap, nde mba tivi mbatigi, nde zam nta thav, nde mba bigi guiguigi tivi, nde vhira nta thari. Nde vhira fhura wari ga shishigi tivi, nde zam nta thari. Nde vhira guma bigi vhirve kim, nde ana niihi tivi, nde vhira nta thav, vhira harigi gumgi ziri mbugum mbe nzuai tivi, nde vhira nta thari. ² Nza khuej kanġi, niamuunġ ntigera ruagi tar, ana guigira ta vuzvugi. Mba tivara, nde guigira Fhe Bakime han kega zi ta nde guigira ana vuzvugiri. Ana bigina mbatiga the

1:23 Zo 1.13; Hi 4.12; Ze 1.18; 1 Zo 3.9 1:24 Sng 103.15; Ais 51.12; Ze 1.10-11 1:24 Ais 40.6-8 1:25 Zo 1.1; 1.14; 1 Zo 1.1-3 2:1 Ef 4.22; 4.25; Kor 3.8; Hi 12.1; Ze 1.21 2:2 Sng 34.8; Mt 18.3; Mk 10.15; 1 Ko 3.2; 14.20; Ef 4.15-16; Hi 5.12-13; 6.5

anan ki fhuvara. Mba khesharigi ta, ana nden ntuur kurkurigim, nta thigi havhargip njkasnjagip, Fhe Bakime nde niingi kiri tivar kama zin njirga. Nde maanj muunv, zungum Fhe Bakime phorgip nzerara kirga. ³ Nde Guma Bakime nza mbui tiv, nde anan mparav, nde kangji, Guma Bakime tivar vhuunra nza mbui.

⁴ Guma Bakime, ana zazera mbara muunjiap ki kima fara muunji, nde ana han ziri. Kha gumgi gu mbigi ana garim, ana bigina mbatiga fhara muunji. Mbe maanj muunjiap ana thav, ana fekhingi. Fhe Bakime anan farasarav, ana garim, ana guigira bigina vhuun ma. ⁵ Nde vhira zazera mbara muunjiap ki njki ma. Fhe Bakimen Njina Njara njkasnjkar panan, Fhe Bakime nden muunjiap, nde anan phen kirga. Nde maanj muunjiap, Fhe Bakime nden farasegirga, nde anan rotu gari gumgi kiv, nde Zisas Krai zin panan, nde Fhe Bakime vuzvugi ofa farar muunjiap, nde wari ndi Fhe Bakimen niinjirim, ana nde vuzvugirga.

⁶ Fhe Bakime buni vhuunji ki gap khar nzuai, “Nde mbarara. Gu mba phenan muunjiap, ana havhargirga kiman vhuunji guarara, gu ana heav, ana ndi ndarigim, ana khar ki. Ana guigira kima havharar vhuunji ma. Gu ana ndi fagim, ana Saion mbikshiman ki. Ana kangjiap, ana khotthigi gumgi, mbe memira ndigirga tuktigi fhu.” ⁷ Nde Krai khotthigi ntiiri, Krai, ana guigira nden kurarga kiman vhuunji ma. Mba ana khotthigi fhu v gumgi, Fhe Bakime buni vhuunji ki gap khar nzuai,

“Mba pheni ga mbui gumgi, mbe mba kima gangjiap, khar ana nzuai, ‘Ana kima mbatik ma.’

2:4 Sng 118.22; Ais 28.16; Mt 21.42; FG 4.11 2:5 Kis 19.6; Ais 61.6; Hos 14.2; Mal 1.11; Ro 12.1; Ef 2.21-22; Fi 4.18; Hi 13.15-16; VB 1.6 2:6 Ais 28.16; Ro 9.33; Ef 2.20 2:7 Sng 118.22; Mt 21.42; FG 4.11

Mbe maan suangiap, ana phogia mbur khingi.
Mba kim, ana ntigem, ana fharav mba phena bina sui-
rigim, ana havhargi.”

⁸ Fhe Bakime buni vhuuij ki gap vhira khan nzuai, “Mba kim, ana vhira mben tuav ga ndarigi kima fara muungi. Mbe vhirvera mba kiman savkoriv, riv, mbarigirga.” Mbe Fhe Bakime buna vhuuej daasui. Mbe maan muungiap, mba kiman savkorav wari ri. Fhe Bakime fhum suangi, mbe mba tivar muunga.

⁹ Fhe Bakime, ana nden farasegi, nde anan gumgi gu mbigi guari ma. Nde ngui vhirve gari guman panan rotu gari gumgi ma. Nde vhira ngarav Fhe Bakimen gumgi gu mbigi guari ma. Nde Fhe Bakime wora mbuigi gumgi gu mbigi ma. Nde, Fhe Bakime nde muungi tivir vhuuij guarira, nde nta bun suanga. Fhe Bakime nden kamgim, nde fhum kegi gingin, nde ana thagim, ana nde ndigap won vhava njaarar zigi. Mba vhavar njaar, ana guigira vhavar njaara vhuuj ma. ¹⁰ Nde fhum gumgi gu mbigi khini kegi. Nde ntigem, nde Fhe Bakime gumgi gu mbigi ki. Nde vhira fhum, nde Fhe Bakime kora muumbara ndigi fhuvara. Nde ntigem, nde ana kora muumbara ndigi.

Nza harigi gumgi gu mbigi rigar nza nzerara ruri.

Nza fhura Fhe Bakimen njaara gumgi farar muungip wari kiri.

¹¹ Nde nan kivntogi guari, nde kha nuianan, nde harigi ngui gumgi fara muungiap kav, nde vhira vhunaa fara

2:8 Ais 8.14-15; FG 4.11; Ro 9.22; 9.33; 1 Te 5.9 2:9 Kis 19.5-6; Lo 4.20; 7.6; 14.2; Ais 9.2; 40.20-21; 43.20-21; Zo 17.19; FG 20.28; 26.18; Ef 5.8; Kor 1.13; Ta 2.14; 1 Pi 2.5 2:10 Hos 1.9-10; 2.23; Ro 9.25 2:11 1 Sto 29.15; Sng 39.12; Ro 13.14; Ga 5.17; 5.24; Hi 11.13; Ze 4.1

muungiap fhura tuigap ki. Maanj muungiap, gu kharj nde nzuai, nde wari won ndavi vuri vuzvugi mbatigi, nde kir nta segiri. Mba tivi nde ndavi vherir kav, zazera nde ndikndigi phorga shogi. ¹²Nde kir Fhe Bakime segi gumgi, nde mben rigar nzerara ruri. Mbe maanj muungip, buni mbatigir nde suanga, mbe zumgum nde mbui tivir vhuuinj ganiv, mbe Fhe Bakime za kha nuianan ki gumgi gu mbigi muungji tivi mbatigi ga suanjv mbe suanga tugar, mbe Fhe Bakime zi ndiv vun kuamkuarga.

¹³ Nde Guma Bakime ndikndigip, za mba ngui gari gumgir pani piin kiri. Ngui bakivi vhirve gari guman pan, ana guigira fharigi guma ma. Nde ana buni zin ngiri. ¹⁴ Nde vhira ngui bakivi gari gumgir pani, nde vhira mbe buni zin ngiri. Mba ngui vhirve gari gumgir pani mbe ndi fegim, mbe kav, mba tivi mbatigi ga mbui gumgi, mbe zaagir mbe ndiiv, tivir vhuuianj mbui gumgi, mbe mbe ziri ndi vun kuamkuarga. ¹⁵ Fhe Bakime khuen nde vuzvugi, nde tivir vhuuinja muunjri. Nde tivir vhuuin muunjv, mba pham buni nzuav ndikndigi vhuuinj ki fhuv gumgi, mbe buni mbatigir nde nzuai, nde mbe thiri pingirga. ¹⁶ Nde bikbiigi gumgi rui rurur muunjri. Nde mba rurur muunjv, nde khuej ndikndigi thari, “Nza ntigem bikbiigi.” Nde maanj suanjip, nde mbarkirga tivi mbatigir muunga. Zakira fhuvara! Nde Fhe Bakime njaari gumgi khini rui rurur muunjri. ¹⁷ Nde tivir vhuuin za kha gumgir muunjri. Nde vhira guigira wari won ndavir nza phorgav guigira Zisas kothigi gumgi gu mbigir niinjri. Nde vhira Fhe Bakime riviv anan piin kiri. Nde vhira tivir vhuuin ngui bakivi vhirve gari guman panan muunjri.

2:12 Mt 5.16; Ru 19.44; Ro 12.17; 2 Ko 8.21; Fi 2.15; Ta 2.8 2:13 Mt 22.21; Ro 13.1; Ta 3.1 2:15 Ta 2.8; 1 Pi 2.12; 3.16 2:16 1 Ko 7.22; Ga 5.1; 5.13
2:17 Snd 24.21; Mt 22.21; Ro 12.10; Fi 2.3; Hi 13.1; 1 Pi 1.22

Nza Krai tiva zin ngip zaagi ndirga.

¹⁸ Nde n̄aara gumgi, nde wari wo gari mpiinsigi piin kiv, mbe nzuai buni zin ngiri. Gu mba mpiinsigi vhuunra gum mbarara nde nzuai mpiinsigi piin kir zav nde nzuai fhuvara. Zakira fhuvara! Nde mba vhav shi mpiinsigi mbatigi, nde vhira mbe piin kiri. ¹⁹ Ahan, nde maan muungip fhura Fhe Bakime ganirim, ana nde ndikndigi ganinga, nde ngarirga. Mbe maan muungip fhura za-agir nden niinga, nde mba zaagi ndirga, Fhe Bakime tivar vhuun nden muunga. ²⁰ Nde maan muungip tivi mbatigir muunga, mbe nta suany, nde shogirga, nde mba zaa ndirga, nde ne suany thagina bigina ndigirie? Nde maan muungip tivar vhuun muunga, mbe ne suany nde shogirga, nde mba zaa ndirga, Fhe Bakime tivar vhuun nden muunga.

²¹ Fhe Bakime mba tiva zin ngir zav nden kamgi. Ne khar muungi, Krai vhira nden kurkura zav zaagi ndigi. Ana won tivar nde khivigi, nde mba tiva zin ngiri. ²² Ana tiva mbatik thuej muungi fhu, ana vhira buna thuej guigi fhu. ²³ Mbe buni mbatigir ana nzuai, ana mbe buna mbatik thuej ngarkarigi fhu. Ana zaa ndiav, ana mben farfa zav suanyi fhu. Zakira fhuvara! Ana wo ndi Fhe Bakime farve khingi. Ana nzerara za mba bigi ndiv thigar mbai guma ma. ²⁴ Krai, ana khararen ga ntorgap, ana nza muungi tivi mbatigi, ana za ntan wo fhava phorgi. Ana maan muungim, nza mba tivi mbatigi, nza za nta tharga. Nza nta thav, nza kiri tiva vhuun muuny, nza tivir vhuunra zin ngirga. Mbe hor mbatigar ana muungim, ana zaagi mbatigi ndigim, nza taagia nzerigi.

2:18 Ef 6.5; Kor 3.22; 1 T 6.1 2:20 1 Pi 3.14; 3.17; 4.14-15 2:21 Mt 16.24;
 Zo 13.15; FG 14.22; 1 Pi 3.18; 1 Zo 2.6 2:22 Ais 53.9; Zo 8.46; 2 Ko 5.21; Hi
 4.15 2:23 Ais 53.7; Mt 27.39; Zo 8.48-49; Hi 12.3; 1 Pi 3.9 2:24 Ais 53.5;
 Ro 6.2; 6.11; 7.6; Hi 9.28

²⁵ Nde zam sipsivi fara muungip, fhura tamtam ruigi. Nde ntigem, Fhe Bakime taagia nde ndigim, nde zav wari wo vuavi han zegi. Nde vuavi tuituigia nden ntuu gari guma ma.

3

Khe mani gu muuij rigi gumgi gu mbigi ga nzuai buni khare.

¹ Mba tivara, nde mani ga rigi mbigi, nde wari wo manin piin kiri. Nden mani thari, mbe Fhe Bakime buna vhuuej zin vui fhu. Nde mben muuij Fhe Bakime piin ki tivir vhuuij, mbe nta ganip, nde buni tharir mbe suanga fhu, mbe ndavi dorgirga. ² Nde mben muuij, mbe nde gari, nde nzerara ruav, guigira Fhe Bakime piin ki. ³ Nde vhira fhura kirar wari wo fhavi siijv, wari wo pani siijv, nta fariv, gorar muungu bigi siijv, mbarkirga shagi vhuuij shari thari. Zakira fhuvara! ⁴ Nde mbarigi fhuv siin wari wo ndavi vheri, nde nta siijri. Mba siij khare, ndav nzerara kav, ndav mbirav ki. Mba tiv, ana Fhe Bakime rimani niman, ana tivar vhuu j guar ma. ⁵⁻⁶ Mba fhum kegi mbigi, mba mbiga mbe khare, Sara. Sara, ana wo ndiv Fhe Bakime niijgiap, ana muun zav suangi bigi, ana ntan rarga ki. Mbe mba khesharigi tivir wari nziiv, wari won mani piin ki. Sara Abraham nzuai buni zin vov, kha kakaman ana mbui, “Guman Rum”. Nde maaj muungip tivir vhuuin muujv, nde bigin then rivirga fhu, nde Sarar njkarmbigir fara muungu.

⁷ Nde muuij ga rigi gumgi, nde ndikndigi vhuuij zin ngip, nde tuituigip wari won muuij phorgip piigip wari

2:25 Ais 53.6; Ese 34.5-6; 34.23; Mt 9.36; Zo 10.14; Hi 13.20 3:1 Mt 18.15;
 1 Ko 7.14-16; Ef 5.22; Kor 3.18; Ta 2.5 3:3 1 T 2.9; Ta 2.3 3:4 Sng 45.13;
 Ro 7.22; 2 Ko 4.16 3:5-6 Stt 18.12 3:7 1 Ko 7.3; 12.23; Ef 5.25; Kor 3.19;
 1 Te 4.4

kiri. Mbigi, mben fhavi ŋkasŋkagi fhuvara, nde tivar vhuuŋra mben muuŋri. Nde khaŋ muuŋgip kaŋgiri, mba mbigi, mbe vhira zazera mbara muuŋgiap ki biŋbiŋ ndirga. Nde maan muuŋgip mba tivi zin ŋgirga, nde Fhe Bakime phorgip suanga, bigin the nde ana phorga nzuai buni tuav puigi fhu.

Nza zazera tivar vhuun harigi ntiiir muuŋri.

⁸ Gu ntigem kha buni vhizi zav, gu khaŋ nzuai. Nde za wari tigip ndikndik ndava bavira kiv, za kha gumgir korar muuŋri. Nde guigira Zisas kothigi gumgi gu mbigi, nde guigira wari won ndavir wari wo phorge regi ntiiiri ga ndiii tivara, nde wari won ndavir mben niŋv, guigira mben korar muuŋv, riirii tivi thari. ⁹ Gumgi tivi mbatigir nden muuŋrim, nde nta ŋgarka thari. Mbe buni mbatigir nde suanrim, nde mben buni mbatigi ŋgarkav buni mbatigir mbe suan thari. Zakira fhuvara! Nde kha tivar mben tivi ŋgarkari. Nde mbe suanv Fhe Bakime phorgip suanrim, ana tivar vhuun mben muuŋri. Fhe Bakime mba tivar muun zav nden kamgi. Nde nduarira ana ŋgir kaman vhuuŋ ndirga.

¹⁰ Nza kaŋgi, Fhe Bakime buni vhuuŋ ki gap khaŋ nzuai, “Guma, ana mpirmpiriga tiv nzerara kiv, ana ndikndigip, tugir vhuuin kir sanv, ana buni mbatigi suan thari, ana vhira bigi guiguigi thari.

¹¹ Ana wo kirar tivi mbatigi ga segip, ana tivi vhuuŋra zin ŋgiri.

Ana harigi gumgi gu mbigi phorgip ndava bavira kiv, ana khaŋ tigip havhargip, mba tiva zin ŋgiri.

3:8 Mt 5.44; Ro 12.10; Fi 3.16; Kor 3.12; 1 Te 5.15; 1 Pi 2.17; 2.23 3:9 Mt 25.34; Ro 12.14; 1 Te 5.15 3:10 Ze 1.26; 1 Pi 2.1; 2.22 3:10 Sng 34.12-16 3:11 Ais 1.16-17; Ro 12.18; Hi 12.14

¹² Ne kharj muunggi, Guma Bakime, ana tivir vhuuiarj mbui gumgi gu mbigi garav, ana mbe ana phorga nzuai buni, ana kharar nta rigi. Guma Bakime, ana tivi mbatigi ga mbui gumgi gu mbigi, ana mben vuzvugi gori.”

Nza wari wo mbui tivir vhuuiarj nzuav zaagi ndi, ne nzerara.

¹³ Nde maarj muungip kharj tigip havhargip tivi vhuuij zin ngirga, the tiva mbatigar nden muungirie? ¹⁴ Nde maarj muungip tivir vhuuin muunjv ne suarjv zaagi ndirga, nde ne suarjv ndikndigiri. Mbe rivirga bigin thuen nden muunrim, nde mben rivi thari. Nde ne suarj ngava mbatigar muunj thari. Zakira Fhuvara! ¹⁵ Nde wari won ndavir vherir, nde Kraistra ndigiri, ana nden ndikndigir fhara kiri. Ana nde Bakime ma. Mbe maarj muungip, nde rarga ki bigina vhuuj niinge suarjv nden nzanga, nde zazera mben ngarka sarjv wari kiri. ¹⁶ Nde zazera bunin vhuuijra mben buni ngarkav, mbarara mbe suarjri. Nde vhira Fhe Bakime rimani niman, nde nzerara wari kiri. Mbe maarj muungip buni mbatigir nde suarjv nde siinga. Nde Krai tvar vhuuj zin vuim, nde nziii gumgi, mbe wari wo suarji buni mbatigi, mbe ntan mbergirga. ¹⁷ Fhe Bakime vuzvugirga, nza kha tivir vhuuiarj mbuav ntan panan zaagi ndi, ne nzerara. Nza maarj muungip tivi mbatigir muunjv, ntan panan zaagi ndirga, ne guigira bigina mbatigenj ma.

Krais rimgiap, nza ndir zav taagia khavgi.

¹⁸ Nde vhira Krai ga ndikndigi. Ana tivir vhuuijra zin vui guma ma. Ana kha tivi mbatigi ga mbui gumgi

3:12 Zo 9.31 3:13 Snd 16.7; Ro 8.28 3:14 Jer 1.8; Mt 5.10; Ze 1.12; 1 Pi 2.20; 4.14 3:14 Ais 8.12-13 3:15 FG 4.8; Kor 4.6; 2 T 2.25 3:16 Ta 2.8; Hi 13.18; 1 Pi 2.12 3:17 1 Pi 2.20 3:18 Ro 5.6; 6.10; 8.11; 2 Ko 13.4; Ef 2.18; Kor 1.21-22

gu mbigi njana ndigap, ana tivi mbatigi vhazi zav rimgi. Ana rimgiap, nde ndiga Fhe Bakime han zi. Ana rimrim buenra muunji, ana wom rimgirga fhu. Ana kha nuianan guma kim, mbe ana shogim, ana rimgi. Ana rimgiap, taagia khavgiap, Hevenan ndav, ana njina fara muunjiap ki. ¹⁹ Ana njina fara muunjiap kav, ana vov, gumgi ntuu binan ki ngun vergap Fhe Bakime buna vhuuej bun mbe suanji. ^a ²⁰ Mba gumgi, mbe fhum Noa tugen, mbe Fhe Bakime buni vhuuij kaadogi. Noa kegi tugen, tivi mbatigi guigira kivgi, Fhe Bakime vhemkora nen vhezar mbe niingi fhuvara. Zakira fhuvara! Ana Noan rarga kim, ana za won kema bakime muungia thugi. Ana won kema bakime muungia thugim, harathigi gumgira, mbe mba kema bakime vhen vergim, mbi bakime vhuungia ndav, mbe khiga mba kema fegim, Fhe Bakime taagiap mbe ndigim, mbe nzerara ki. ²¹ Mba mbi, ana nza ndavi dorgap Fhe Bakime zin panan ruai, nen panpana rugi. Ne kharj muunji, nza Fhe Bakime mbin panan, ana taagia nza ndigi. Nza ana zin panan ruagi ruari, mba ruari, ana nzan fhava nzanjan ruai ruari fhuvara. Zakira fhuvara! Mba ruari, nza Fhe Bakime phorgap kharj nzuai ruari ma. Nza ana rimani niman ngaravra kirga. Nza ana zin panan ruagi ruari, Fhe Bakime taagia nza ndir zav, ne nzuav

^{3:19} Stt 6.1-7.24; 8.18; Hi 11.7; 2 Pi 2.5 ^a ^{3:19} Bigi kanji gumgi mbari kha ndikndigi ga mbui. Mba gumgi gu mbigir ntuu, mbe fhum Noa tugen vhezgi gumgi gu mbigir ntuu ma. Mbe mbari kha ndikndiga mbui. Ana mba Fhe Bakime kaadogi njiningi o, Fhe Bakime enseri ga nzuai. Mbe Zudairj khuej kothigi. Mbe gumgi gu mbigir ntuu, mbe Noa tugen vhezgi, Fhe Bakime mbe ndim phena tivanerj ga suegi ntiri ma. ^{3:21} Ro 10.10; Ef 5.26; Ta 3.5; Hi 10.22

Zisas Kraiss ringgim, ana taagia ana khavgi. ^b ²² Ana ana khavgim, ana ntigem Hevenan ndagi. Ana ndav, ntigem ana Fhe Bakime guva harej ga perav mbur ki. Ntigem mba Fhe Bakime enseri gum, mba njkasnjka bakime ki njiningi, mba njkasnjka ki bigi zam, mbe ana piin ki.

Mparmpara Bakime guigira Zisas kothigi gumgir him, mbe zaagi ndi.

4

Nza won ndavi vuri tivi zin ngi thari.

¹ Kraiss, ana won fhavara ana zaagi ndigi. Nde ana suirigi ndikndigara suirari. Ne khanj muunggi, guma maanj muungip, ana won fhavara zaagi ndigirga, ana tivi mbatigi ga mbui tiva tharga. ^a ² Nde maanj muungip njamra kiv, nde won vuzvugi zin ngirga fhu. Zakira fhuvara! Nde Fhe Bakimen vuzvugara zin ngiri. ³ Nde za ndava vura tivi zin vegap, mba Fhe Bakime kothigi fhuv gumgi guigira vuzvugap, mbui tivi mbatigi, nde nta muunggi. Mba tivi khare, gumgi gu mbigi ruarir wari ndi, tivi mbatigi ga nzuav ndavi khavi, pharar njanjani pi, shaa bakivi ga mbuav mba kivia pav, kiviap pharar njanjani pav tivi mbatigi ga mbuav, Fhe Bakime suanggi tivi daasuav, mbarivi gu tori guigira tivi mbatigi guarira mbuav, ntan rotu mbui. ⁴ Nde ntigem, nde Fhe Bakime kothigi fhuv gumgi phorgap feij gu daa ndikndigi ndikndigi ga mbui fhu. Nde nta mbui fhuv, mbe mba tiva gangiap, njgava

^b 3:21 Kha vezar Grikar kaman kha kamej tuituigiap higi fhuvara.

3:22 Sng 110.1; Mt 22.44; Ro 8.34; 8.38; 1 Ko 15.24; Ef 1.20-21 4:1 Ro 6.2; 6.7; Ga 5.24; Kor 3.3-5 ^a 4:1 Zaa ndi tiva nzuai buni mbari vhira I Pita 3:13 kegip gani ngip 22 thigiri. 4:2 Zo 1.13; Ro 6.11; 2 Ko 5.15; Ga 2.20; 1 Zo 2.16 4:3 FG 17.30; Ef 2.2-3; 4.17; Ta 3.3 4:4 FG 13.45; 18.6; 1 Pi 3.16

mbatiga muunjiap, mbe buni mbatigir nde nzuai. ⁵ Mbe zumgum, mbe nduarira Fhe Bakime nima thivgip, mbe wo muunji tivi, mbe nta bun ana suanga. Mba tivi ga nzuav nzuai guma, mbe suan zav mben rarga mbur ki. Ana namki gumgi mbui tivi ga suanjv mbe suanga, ana vhira vhezgi gumgi muunji tivi ga suanjv mbe suanga. ⁶ Mba buna niienra nzuav Krai rimjiap, ana vov, mba vhezgi gumgi ki ngun vergap, won buna vhuuej bun mbe suangi. Khuuej guigi guarara, kha nuianan ki gumgi tivi mbatigi ga muunjiap, mbe za vhezirga, mbe mba tiva muunjiap vhezgi. Mbe ntigem Krai won buna vhuuej bun mbe suanjim, mbe ne kothigap, mbe zazera mbara muunjiap ki biinjbiinj ndigap, mbe njiningi ga gegap, mbe Fhe Bakime ki fara muunjiap wari ki. ^b

Nza Fhe Bakime fhura nza niingi ndikndigir vhuuij, nza tuituigira nta njariri.

⁷ Kha bigi za vhezirga tuk han mbarigi. Maanj muunjiap, nde tuituigip ndikndigip, tuituigip wari wo mbui tivi ganiv, nde tuituigip Fhe Bakime phorgi suanga. ⁸ Kha tivi

4:5 FG 10.42; 17.31; 1 Ko 15.51-52; Ze 5.9 4:6 Ro 8.10; 1 Ko 5.5

^b 4:6 Kha j mbe Grikar kaman suangi kamej, kha vezar tuituigiap higi fhuvara. Mbe gumgi mbari kha ndikndiga mbui. Ana kha nzuai kamej ne sapta 3 ves 19 fara muunji. Mbe ne domdorav kha j nzuai. “Mba bigina niienra nzuav, Zisas Fhe Bakime buna vhuuej bun mba vhezgi gumgi gu mbigi ga suangi. Mba gumgi gu mbigi, mbe za kha gumgi gu mbigi vhezgi tivara muunjiap vhezgi. Mbe wari wo muunji tivir mbatigir vhezza ndigi. Ana vov, Fhe Bakime buni vhuuij bun mbe suangi. Mbe maanj muunjiap ana buni vhuuij kothigirga, mbe zazera mbara muunjiap ki biinjbiinj ndigip, mben ntuu Fhe Bakimen njina ki farar muunjiap kirga.” 4:7 Mt 24.13-14; Ru 21.34; Ro 13.11-12; 1 Ko 10.11; Fi 4.5; Kor 4.2; 2 Pi 3.9; 1 Zo 2.18 4:8 Snd 10.12; 1 Ko 13.7; Kor 3.14; Hi 13.1; Ze 5.20; 1 Pi 1.22

za nta kharav farigi tiv khare, nde guigira Zisas kbothigi gumgi gu mbigi, nde guigira wari won ndavir mben niñv, mba tiv, nde guigira ana suirav havhargiri. Mba tiv khar muunji, harigi guma tivi mbatigi vhirver nde muunji, nde za nta mbevav, nta ndikndik ñangiri. Mba tiv, ana mba harigi tivi, kamarigi. ⁹ Maan muungip, guigira Zisas kbothigi gumgi gu mbigi thari ziv, nden han kirim, nde tuituigip mbe ganiri. Nde mba ñaarar muunv, nde ne suanjv, ndavi mbarigi thari. ¹⁰ Nde bevbevira Fhe Bakime nde kora muunjiap, ana fhura mba ndikndigi vhuuin gum ana won ñaarir muun zav niñgi ñkasñkagir nde niñgi. Maan muungip, nde bevbevira, nde Fhe Bakime ñaara gumgir vhuuin kiv, mba ndikndigir vhuuin, nde warira kurkurari. ¹¹ Maan muungip, guma the Fhe Bakime buna vhuueñ bun suanga ndikndiga vhuun ndigi, ana guigira Fhe Bakimen buna vhuueñra bun suañri. Guma gumgir kurkurigi, ana Fhe Bakime ana ndii ñkasñkar, ana khar tigi havhargip, mba ñaarar muunri. Nde maan muunrim, harigi gumgi nde mbui bigi ganinga. Mbe nde ganiv, Zisas Kraisan zin panan mbe Fhe Bakime zi ndiv vun kuamkuarga. Ana zi bakime gum ñkasñka bakime zazera mbara muunjiap ki. Ne guigi guarara.

Nza Krai zaagi ndigi mbugum, zaagi ndirga ne suanjv ndikndigirga.

¹² Nde guigira na phorgap Zisas Krai kbothigi gumgi, nde ntigem mparmpare vhav nde shi fara muunjiap nde shirga. Nde ne suanjv ñgava mbatigar muunjiap, khueñ ndikndigi thari, khe harigi khesharigi tiv nzan hi. Zakira fhuvara! ¹³ Nde mba mparmpare nden hi,

4:9 2 Ko 9.7; Fi 2.14; Fm 1.14; Hi 13.2 4:10 Ro 12.6-8; 1 Ko 4.1-2; 4.7; Ta 1.7 4:11 1 Ko 3.10; 10.31; Ef 5.20; 1 Pi 5.11; VB 1.6 4:12 1 Ko 3.13; 1 Pi 1.6-7 4:13 FG 5.41; Ro 8.17; 2 Ko 1.7; 2 T 2.12; Ze 1.2; 1 Pi 1.5-6; VB 1.9

nde Kraiis ndigi zaagi, nde nta ndi. Maanj muunjiap nde ndikndigiri. Zumgum Kraiis zi bakime za kirar hirga, nde guigira ndikndiga mbatigar muunjv, nde ndavi nzerav kirga. ¹⁴ Nde Kraiis zi suirigim, ana nden ki, mbe ne suanjv buni mbatigir nde suav nde siijrim, nde ne suanjv ndikndigiri. Ne kharj muunji, nde kangji, Fhe Bakimen Hina Hjaar, ana zi bakime gum hkasjka bakime ki, mba Hina Hjaar nden ki. ¹⁵ Nde tuituigira wari ganiri, nde muunjv kiv guma the shogirim, ana rimgi o, bigi thari kimgirga o, harigi khesharigi tivi mbatigi ga muunji o, harigi guman hjaar farfagi, mbe mba bigi ga suanjv zaagir nden niinga. ¹⁶ Guma ana guigira Zisas kothigi, ana ne nzuav zaagi ndi, ana ne suanjv mberi thari. Zakira fhuvara! Ana mba guigira Zisas kothigi nen zi ndi, ana nen ndikndigiri. Ana nen ndikndigip Fhe Bakimen zi ndiv vun kuamkuari.

¹⁷ Fhe Bakime, nza ana ntiri, ana nza muunji tivi ga suanjv nza suanga tuk, ana higi. Maanj muunjiap, nza fharav ana nima thivirga, mba Fhe Bakime buna vhuuej daasui gungi, mbe ana nima thivirga, ana mbe muunji tivi ga suanjv mbe suanga, mbe buni ram mbui vhiza tivar muunjiap? ¹⁸ Fhe Bakime buni vhuuij ki gap kharj nzuai, “Maanj muunjiap, mba tivir vhuuij mbui gungi mbe hjaar mbatigara muunjiap, Fhe Bakime taagip mbe ndirga tuav kirga. Mba kir Fhe Bakime ga segap, tivi mbatigi mbui gungi ram muunjiap?” ¹⁹ Maanj muunjiap, Fhe Bakime vuzvuk ma. Ana gungi thari vuzvugi mbe zaagi ndirga, mba gungi mbe wari ndiv Fhe Bakime farve khingip, mbe tivir vhuuijra muunjiap. Fhe Bakime nza

4:14 Sng 89.50-51; Mt 5.11; 2 Ko 12.10; Ze 1.12; 1 Pi 2.20 4:15 1 Te 4.11; 1 T 5.13; 1 Pi 2.20 4:16 FG 11.26; Fi 1.20 4:17 Jer 25.29; Mal 3.5; Ru 10.12-14; 23.31; 2 Te 1.8 4:18 Snd 11.31; Ru 23.31 4:19 Sng 31.5; Ru 23.46; 2 T 1.12

muunḡiap, ana zazera tuituigira nza gari.

5

Nde Fhe Bakime gumgi gu mbigi gari gumgir pani, nde guigira Zisas kothigi gumgi gu mbigi nde tuituigira mbe ganiri.

¹ Gu ntigem nde sios gari gumgir pani, gu nde suan za mbui. Gu vhira nde mbui ḡaarara mbui. Gu vhira won rīmanira, gu Kraiḡ garim, ana zaa ndigi. Gu zungum nza zam wari tigira mba Fhe Bakime nzan niin za suanḡi bigir vhuuḡ, Kraiḡ ḡkaḡka bakime gu zi bakime zungum za kirar hiḡirga, nza mba bigi ndirga. Maanḡ muunḡiap, nde sios gari gumgir pani, gu maanḡ muun zav nde nzuai.

² Nde tuituigira guigira Zisas kothigi gumgi gu mbigi ganiri. Mbe sipsivi fara muunḡiap nden farven ki. Nde Fhe Bakime nde vuzvugi tiva zin ḡḡip mba ḡaarar muunḡ, nde nen ndikndigiri. Nde muunḡ kiv, harigi ntīiri vuzvuga zin ḡḡip, mba ḡaarar muunga. Nde vhira vhezara suanḡ mba ḡaarar muunḡ thari. Fhuvara. Nde guigira mba ḡaarar muunga vuzvuk kiv, mba ḡaarar muunḡri. ³ Nde gumgi ruu farar muunḡip kiv mba Fhe Bakime nde farve kḡingḡi gumgi gu mbigi, nde mbe mbeviv, mbe kharav, vun ki thari. Fhuvara. Nde tivar vhuunḡra muunḡrim, mbe mba tiva ganiv, nde zin ḡḡiri. ⁴ Nde maanḡ muunḡip mba tivar muunga, mba Sipsivi Gari Guman Vhari Kraiḡ, ana za kirar hiḡirga, nde ne suanḡ, fharigi vhezḡ vhuunḡ guarara ndigirga. Mba vhez, ana zazera mbara muunḡiap ki vhez ma, ana mbarigi vhez fhuvara.

Nza wari ndiv Fhe Bakime farve kḡingiri.

5:1 FG 1.8; 1.22; Ro 8.17-18; VB 1.9 5:2 Zo 10.11-13; 21.15-17; FG 20.28; 1 Ko 9.17; 1 T 3.3; 3.8; Ta 1.7; 1.11; Fm 1.14 5:3 Sng 74.2; 1 Ko 3.9; 2 Ko 1.24; Fi 3.17; 1 T 4.12; Ta 2.7 5:4 1 Ko 9.25; 2 T 4.8; Hi 13.20; 1 Pi 1.4

⁵ Mba tivara, nde gungir ŋkaa, nde wari won gungir pani piin kiri. Nde za kha tiva zin ŋgiri. Nde za wari mbevav, nde guigira Zisas khotiği gumgi gu mbigi piin kiri. Nza kaŋgi, Fhe Bakime buni vhuuij ki gap khaŋ nzuai, “Fhe Bakime wari wo ziri ndi vunfi gumgi, ana mbe ziri mbevi. Ana wo ziri mbevi gumgi, ana mbe kora mbuav, tivar vhuuŋra mbe mbui.” ⁶ Maan muuŋgiap, nde wari wo vuzvugi mbevav, nde Fhe Bakime hara ŋkasŋkani piin kiri. Nde kiv kirim, ana wo sarigi tugara, ana nde suirav nde vun fegirga. ⁷ Fhe Bakime nde kora mbui. Maan muuŋgiap, nde mba ndi simtigi, nde nta ndiv, ana farve ga suri.

⁸ Nde tuituigira wari ganiv, anan rargi kiri. Nden pana guma Satan, ana raion bakime fara muuŋgiap davav, mbur vov, khar zav ki. Ana zazera gumgi gu mbigir farfa zav mbe nzuav garav ki. ⁹ Nde khaŋ tiğip havhargip Zisas khotiğiğip, Satan daanji mbur khangiri. Nde kaŋgi, guigira Zisas khotiği gumgi gu mbigi vhirve kha nuianan ki. Mbe vhira nde ndi simtigira ndi. ¹⁰ Fhe Bakime ana mbarkirga kora muumbara, ana za ntan niinge ma. Ana Krai Zيسان zin panan, ana nden kamgi. Nde ana phorgip, ana ŋkasŋka vhuuŋ bakime, ana zazera mbara muuŋgiap ki, nde ana phorgip, anan vhen kirga. Maan muuŋgiap, nde tuga tivanenra, nde zaa ndigirga. Ana zungum nden muuŋgirim, nde nzerarga. Nde ana khotiği ndikndik, ana anan havhargip, nden kurarim, nde ndikndigi havhargip, nde zazera thiği havhargirga. ¹¹ Ana nduara zazera mbara muuŋgiap ki ŋkasŋka ki. Ne guigira guarara.

Buni mbarivej khare.

5:5 Snd 3.34; Ais 57.15; Ef 5.21; Fi 2.3; Ze 4.6 5:6 Mt 23.12; Ru 14.11; 18.14;
 Ze 4.10 5:7 Sng 37.5; 55.22; Mt 6.25-30; Fi 4.6 5:8 Ru 22.31; 1 Te 5.6;
 VB 12.12 5:9 FG 14.22; Ef 6.11-13; 2 T 3.12; Ze 4.7 5:10 2 Ko 4.17; 1 Te
 2.12; 2 Te 2.17; 1 T 6.12; Hi 13.21; 1 Pi 1.6

¹² Gu kha buniverŋ nzuaim, Sairas nta khergi. Gu ana garim, ana guigira nza phorgap Zisas khotihigi guma ma. Gu kha gavar, gu Fhe Bakime nde kora mbuav won kora muumbarar nde khivav, nde mbui tivi bun nde suan za mbui. Ana nduara zazera mbara muunŋiap ki ŋkasŋka ki. Ne guigi guarara. Gu nduara ana kora muumbara guar, gu ana kaŋgi. Gu maanŋ muunŋiap ana bun nzuai. Gu nde ndavi havharirgeŋ nzuav nde nzuai. Nde guigira thigi havhargip, ana khotihigiri.

¹³ Mba Babironan guigira Zisas khotihigi gumgi gu mbigi, mba gumgi gu mbigi, Fhe Bakime mben nde phorga ruegi, mbe wari won raar vhuun nde ndiii. Nan kam Mak, ana vŋira won raar vhuun nde ndiii. ¹⁴ Nde zam mba guigira Zisas khotihigi gumgi gu mbigi, nde mben harir suigip, mbe viaviv, mbe ŋkor paniri. Nde mba tivar mben muunga, mbe kaŋgi, nde guigira mbe vuzvugiap, wari won ndavir mbe ndiii.

Nde guigira Krai phorgi, nde ndavi mbirav wari kiri.

5:12 FG 15.22; 15.40; 2 Ko 1.19; 1 Te 1.1; Hi 13.22; 2 Pi 1.12 5:13 FG 12.12; 12.25; 13.13; 15.37-39; Kor 4.10; 2 T 4.11; Fm 1.24 5:14 Ro 16.16; 1 Ko 16.20; Ef 6.23

Fhe Bakimen Kaman Kamerj Kire New Testament

copyright © 2001 Pioneer Bible Translators

Language: Kire

Translation by: Pioneer Bible Translators

Fhe Bakimen Kaman Kamerj in the Kire Language

This translation was produced by Pioneer Bible Translators, and was published in 2001 by the Bible Society of Papua New Guinea.

If you are interested in obtaining a printed copy, please contact the Pioneer Bible Translators at www.pioneerbible.org

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

- You include the above copyright and source information.

- You do not sell this work for a profit.

- You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 27 Sep 2019 from source files dated 27 Sep 2019

bfb9792d-a7df-5425-8e30-1e4968f04468